

non foret in directum positum, ipsis commune esse posset, tria puncta plani positionem non determinarent.

388 Corol. 3. Planum, sive linea, cuius plano perpendiculariter insistens, perpendicularis est omnibus lineis in plano jacentibus, ac sub ipsam transeuntibus: aliter enim, aliqua vel deprimeretur, vel elevaretur, adeoque in eodem plano non esset.

389 Corol. 4. Duo plana, aut lineæ eidem plano perpendicularia aut æqualiter ad eandem partem inclinata, sunt inter se parallela. Distantia enim utriusque ubique eadem est. Præterea planum cui insistunt, considerari potest velut linea utrumque secans: adeoque supposita utrobique æquali inclinatione, facit angulos internum, et externum ad eandem partem æquales: sunt igitur parallela (300).

390 Schol. Quæ de linearum positione respectiva num. 283, et sequentibus tradita sunt, ad plana æquo jure transferenda erunt. Nam 1. Planum supra planum cadens aut duos angulos rectos, aut duobus rectis æqualis facit. 2. Quod si plana mutuo secantur, valor angulorum ex utraque parte quatuor rectis æquatur. 3. In hac intersectione anguli ad verticem æquales sunt. 4. A puncto dato intra, vel extra planum, tantum una perpendicularis demitti potest. 5. Distantia à puncto quovis ad planum, est perpendicularis ex puncto dato ad planum ducta. 6. Si duo plana parallela alio plano secantur, angulos alternos, internos, et externos ad eandem partem æquales; et duos internos ad eam-

dem partem æquales duobus rectis habent. 7. Sectiones planorum parallelorum etiã sunt parallela. Nimirum quum duo, aut plura plana parallela alio plano secantur, intersectiones parallela remanent. 8. Quotcumque plana parallela alteri, erunt et parallela inter se, et omnibus aliis illis parallelis.

CAPUT III.

Stereometria, sive de Solidis.

§. I.

Solidorum genesis.

391 Defin. 1. *Solidum* geometricum est corpus quodvis tribus dimensionibus constans; sive longum, latum et profundum. Superficies autem corporis solidi est summa linearum, quibus ejus externa facies terminatur in qualibet dimensione. Quemadmodum autem lineam punctum continenter fluens concipimus, superficiem verò linearum aggregatum in eandem directionem jacentium, ita corpus seu solidum continuam superficierum aggregationem imaginamur. Ad rei tamen veritatem magis accesseris, si lineam linearum infinite minimarum congeriem, superficiem ex areolis linearum, solidum ex parvis arcibus solidis conceperis.

392 Defin. 2. *Prisma* solidum est pluribus planis terminatum (fig. 26), quæ parallelogramma sunt; æquè latum in tota longitudine, ac

duobus planis, seu basibus parallelis, superiore, et inferiore terminatum. Pro numero laterum basis diversa nomina sortitur prisma, nimirum triangulare, quadrangulare, pentagonum etc. Omnia enim solida concipi possunt à basi generali; in primate, si basis sibi parallela semper ascendat, solidum describet prismaticum triangulare, aut quadrangulare, pro natura baseos: quod etiam ad reliquas figuras extendi potest. Et hoc quidem erit prisma *rectum*, si ejus axis, qui est linea recta ab ejus perimetro æqualiter distans, est basibus perpendicularis. Quod si axis fuerit basibus inclinatus, prisma erit *obliquum*.

393 Defin. 3. Species etiam prismatis sunt *cubus*, et *parallelepipedum*. Cubus est solidum sex planis quadratis terminatum, quales sunt tali lusorii. Parallelepipedum sex etiam planis terminatur, quorum opposita tantum sunt æqualia. Si ad angulos rectos latera formata sint, erit parallelepipedum *rectangulum*; secus *obliquangulum*.

394 Defin. 4. Si planum generans, seu basis circulus sit, solidum erit *cylindrus* (fig. 27). In quo si axis AB sit perpendicularis basi FBC, cylindrus erit *rectus*: si axis inclinatus sit basi, *obliquus*. Altitudo, sive prismatis, sive cylindri, sive alterius solidi est perpendicularis à summitate basis superioris ad inferiorem productam, ubi opus sit, ut evenit in obliquis. In rectis verò ipsemet axis mensura est altitudinis.

395 Defin. 5. *Pyramis* est solidum basi polygonæ et puncto terminatum (fig. 28). Juxta

numerum laterum basis diversis nominibus donatur pyramis. *Triangularis*, si basis sit triangularis; *quadrangularis*, ut est sepulcrum Cestii ad portam Ostiensem quod unicum est antiquitatis monumentum in nativa integritate conservatum, in hoc antiquitatum romanorum nativo solo. Reliqua enim, aut diruta, videmus, ut amphiteatrum Flavium, aut in aliam conversa figuram, ut pantheon Agrippæ. Ceterum pyramis erit *recta*, si axis à vertice ad basim perpendiculariter cadat; secus *obliqua* erit, cujus obliquitatis mensura est inclinatio axis ad basim.

396 Defin. 6. *Conus* est pyramis basi circulari (fig. 29). Ejus genesis concipi potest triangulo, sive plano trianguli ABC integra circumvolutione, supra rectam AB immotam, descriptum. Si axis AB perpendiculariter cadat supra basim CD, conus erit *rectus*: obliquus autem, si in alterutram partem inclinet. Quod si plano aliquo basi parallelo EF conus vertice AEF mulctetur, reliquum CDEF, dicitur *conus truncatus*.

397 Defin. 7. Si semicirculus (fig. 30) ACB circa immotam diametrum AB circunducatur, donec ad locum, undè discessit, redeat, *sphæram* describet. Diameter immota, circa quam sphæra circumagitur; est illius axis, cujus extrema puncta AB dicuntur *sphære poli*. Circulus maximus à polis distans nonaginta gradibus, seu quadrante, dicitur *sphære æquator*. Punctum æquè distans ab omnibus superficiæ punctis, est centrum *sphære*: linea à centro

ad superficiem ductæ, sunt sphaeræ radii. Si aliquo plano HI per centrum transeunte secetur sphaera, hujusmodi sectio erit circulus maximus, atque adeo omnes circuli maximi per centrum sphaeræ transeunt. Reliqui circuli eo minores erunt, quo magis à centro distent.

398 Corol. 1. Duo maximi circuli sphaeræ necessario se intersecant; eorumque communis sectio est diameter. Quum enim per centrum transeant, in centro se intersecare debent, et in omni linea, quæ per centrum transeat, qualis est diameter.

399 Corol. 2. Puncta omnia semiperipheriæ, cujus revolutione sphaera generatur, describunt circulos parallelos; eo majores, quo propius ad centrum accedunt; et minores, quo longius ab ipso recedunt. Puncta vero à centro æquè distantia describunt circulos æquales. Jam ex circulis, maximus est, qui per centrum transit; reliqui ab ipso utrinque æquè distantes, æquales sunt. Quare in sphaera cœlesti, et in globo terrestri tropici, et circuli polares æquales sunt: quod postea in Astronomia physica, et in Geographia usui erit. Demum ultimus circulum parallelorum in punctum abit.

§. II.

Mensura superficieum in solidis.

400 Defin. Omnes mensuræ superficieum duplici dimensione coalescunt, latitudine nimirum, et longitudine. Unde nihil de profunditate cogitantes, externam tantum solidorum

rum faciem hic considerare debemus.

401 Theor. 1. Superficies prismatis, cujus latera rectilinea sunt basi perpendicularia, est productum ex perimetro basis in altitudinem, seu latus rectum prismatis, addita dupla basis superficie. Dem. Singulæ facies prismatis sunt rectangula, quorum mensura est productum basis in altitudinem (357): collecta igitur summa rectangulorum superficiem prismatis componentium, habebitur ejus superficies, demptis basis. At hæc summa est perimeter basis, ducta in altitudinem, seu latus rectilineum, ut est manifestum: habemus igitur superficiem lateralem prismatis, ducta perimetro in basim. Jam superficies basis, quum sit polygonum regulare, habebitur ex dimidio producto radii recti in perimetro (375): et quum duæ bases superior et inferior prismatis sint æquales, utriusque superficies habebitur ex integro producto radii in perimetro.

402 Corol. 1. Cylindrus considerari potest tamquam prisma *infinitalaterum*; adeoque ejus superficies æqualis erit producto perimetri, seu circuli in ejus altitudinem, additis superficiebus utriusque basis, seu duorum circulorum (376).

403 Corol. 2. Superficies cubi constat sex quadratis æqualibus; unde ejus superficies æqualis est superficiei unius ex quadratis sexies sumpti. Quum verò parallelepipedum sex superficiebus terminetur, quorum bina æqualia sunt; inveniatur summa trium superficieum inæqualium, et hæc bis sumpta, dabit totam superficiem parallelepipedum.

404 Theor. 2. Superficies pyramidis rectæ æqualis ex dimidio producto, ex perpendiculari ducta ex vertice ad unum ex lateribus basis, et perimetro basis; addita superficie ejusdem baseos. Dem. In pyramide tot sunt triangula isoscelia, quot latera seu facies pyramidis: aut superficies trianguli æqualis est dimidio producto ex perpendiculari ducta in basim (358): ergo si summæ horum triangulorum addatur superficies baseos (375), habebitur tota superficies pyramidis.

405 Corol. 1. Conus considerari debet veluti pyramis *infinitilatera*, quemadmodum de cylindro dictum supra est, quum utriusque basis circulus sit. Hinc superficies conici recti habebitur ex dimidio producto perimetri, seu circuli basis ducti in latus conici; addita superficie circuli, cui insistit.

406 Corol. 2. Pyramidis plano basi parallelo truncatæ superficies concipi potest, veluti divisa in tot trapezia æqualia, quot sunt facies pyramidis. Singula autem trapezia dividi possunt in duo triangula inæqualia, quorum bases sunt latus sectionis, et latus basis pyramidis: altitudo verò utriusque distantia. Quare ducta uniuscujusque basi in altitudinem, dimidium productum dabit *aream*, ut ajunt, seu superficiem, cujusque trianguli, atque earumdem summa trapeziorum superficiem: quibus additis superficiebus utriusque baseos, propter inæqualitatem seorsim dimetiendis, habebitur tota superficies pyramidis truncatæ.

407 Schol. Brevius, superficies pyramidis

truncatæ æqualis est dimidio producto ex distantia perpendiculari, et utriusque basis perimetro, plus duabus superficiebus utriusque basis.

408 Corol. 3. Si eodem modo tractetur conus, at dictum est modò de pyramide; quum conus concipiatur velut pyramis *infinitilatera*; conici truncati superficies æqualis erit dimidio producto ex periphæria utraque in latus, seu *apothema* conici truncati; plus duabus utriusque circuli superficiebus, inter quas continetur conus.

409 Schol. Brevius, deducitur superficies lateralis conici truncati, accipiendo periphæriam circuli, æquè distantis ab utraque basi superiori, et inferiori conici truncati, eamque ducendo in latus seu *apothema* conici. Nam quum hæc periphæria sit media arithmetica proportionalis inter superiorem, et inferiorem basis periphæriam, æqualis est semisummæ utriusque circumferentiæ (179). Quod autem circulus GH (fig. 29) seu ejus periphæria, sit media proportionalis inter periphærias EF, DC conici truncati CDEF, sic demonstro. Ducantur perpendicularares Em, Fn; Gr; Hs: triangula EGm, GDr sunt similia: nam anguli in m et r sunt recti; in G et D, ut potè interni ad eandem partem inter parallelas, sunt etiam æquales (299): Ergo Em: Gr :: Gm: Dr (338): at Em=Gr ex suppositione: ergo etiam Gm=Dr. Eadem demonstratio tenet in triangulis FnH, CsH ad alteram partem formati. Idem igitur excessus est inter diametros EF, et GH, atque inter ipsam GH et DC:

ergo EF, GH, GH, DC (179). In circulis verò peripheriæ sunt in ratione diametrorum (370): sunt igitur peripheriæ in eadem ratione arithmetica, ita ut extendi valeat proportio modò enuntiata ad circumferentias trium circulorum.

420 Corol. 4. Segmentum sphaericum *Ano* (fig. 30) considerari potest velut genitum à revolutione infinitarum minimarum tangentium, quarum singulæ minimum conum truncatum describunt.

411 Corol. 5. Eodem modo concipi potest zona sphaerica, duobus circulis parallelis *lm*, *no* conclusa, velut genita à revolutione infinitarum minimarum tangentium, quarum singulæ minimum conum truncatum describunt et composita ex duobus conis truncatis *Hlon*, *HlmI* per communem basim *HI* simul conjunctis.

412 Theor. Si sphaera *LH* (fig. 31), aut *AB* (fig. 30) circumscribatur cylindrus *EGIF*, cujus axis *LH* aequalis sit sphaerae diametro, et basis aequalis circulo maximo ejusdem sphaerae, hujus superficies aequalis erit superficiei laterali cylindri eidem circumscripti. Dem. 1. Concipiatur particula quævis *ns* circuli genitoris infinite minima, ita ut cum particula *s* lineæ tangentis *As* hujus puncti confundatur: hæc tangens producta usque ad punctum *A*, et circa axem *HL*, productum in *A*, circumvoluta, generabit conum *Ars*, et particula *ns* conum truncatum *mrs*. Superficiei hujus conii truncati mensura est, dimidium productum lateris *ns* in peripherias circulorum, quorum radii sunt *qn*, *ts*; seu

in peripheriam radii *po* ab utraque æquè distantem (409).

413 2. Ducatur radius $Co=LF=Dt$, quum sint radii æqualium circulorum. Triangula omnia *Agn*, *Apo*, *Ats*, *opC* sunt similia (335 et 345); et quoniam *qn*, *ts* sunt radii paralleli, erit $qt:ns::At:As$; atque eadem proportio erit inter reliqua latera homologa (338): ergo $qt:ns::op:Co$; et $qt \times Co = ns \times op$ (200.) Hæc producta æqualia expriment superficiem sectionis cylindri *DKqt*, et conii truncati *nq ts*, Nam $qt=DK$, et $Dt=Co$: at superficies cylindri est productum perimetri in altitudinem: ergo quum circuli sint ut radii (370) eadem est proportio; sive ducatur in radium, sive in perimetrum. Demum jam ostensum est aream conii truncati, qualis est *nqts*, esse æqualem producto $ns \times op$ (409). Demonstratum igitur est superficiem segmenti $nstq=DKqt$, quæ est segmentum superficiei lateris cylindri.

414 3. Si hæc demonstratio iteretur in quolibet segmento sphaerae comparato cum reliquis portionibus cylindri, tota superficies sphaerae æqualis erit superficiei laterali cylindri eidem circumscripti. Tirones animadvertant portionem *nqts* in figura satis adspectabilem exhiberi, ut oculis partes in demonstratione assignatæ discerni possint. Mente tamen ad particulas minimas reduci debet ut num. 350 exposuimus.

415 Corol. 1. Superficies sphaerae æqualis est producto axis, sive diametri, in circumferentiam sphaerae maximum; adeoque est quadrupla superfi-

ciei ejusdem circuli; quum hæc sit productum ex peripheriæ in dimidium radium, seu quartam partem diametri (376).

416 Corol. 2. Quum superficies lateralis cylindri æqualis sit superfici ei sphaeræ, additis duabus basibus, quæ sunt duo circuli maximi, tota superficies cylindri sextupla erit areæ circuli maximi; et cum superficie sphaeræ erit, ut 6:4, sive ut 3:2.

417 Corol. 3. Ad habendam superficiem sphaeræ, cujus nota diameter, inveniatur primum peripheria circuli maximi juxta proportionem (n. 373) enuntiata inter diametrum et peripheriam: hac inventa, ducatur in notam diametrum; productum dabit totam superficiem sphaeræ. Manifestum est hæc omnia in tot problemata converti posse, quæ brevitatis gratia, contractiùs exposita sunt.

§. III.

Ratio superficierum.

418 Defn. Duo solida similia sunt, quum lateribus numero æqualibus, et similibus constant: ex. gr. duo cubi, duo parallelepipedæ, quantumvis magnitudine differant. At pyramis, et cylindrus, prisma triangulare, et pentagonum, aut alia, quorum altitudines non essent basibus proportionales, solida similia non sunt.

419 Defn. 2. factores superficierum sunt latera, ex quibus superficies veluti creari concipitur. Sic factores lateralis superficiei cylindri, et prismatis sunt peripheria et altitudo:

pyramidis dimidium latus perpendiculare ad basim, et ipsa perimeter baseos; quod etiam ad conum extendendum est: sphaeræ factores sunt axis, et circulus maximus.

420 Theor. 1. *In omnibus solidis superficies sunt, ut factorum producta.* Dem. Superficies cujuscumque solidi veluti creari concipitur ex elementis, ex quibus componuntur factores: ex gr. sint $A \times B$ factores unius, et $a \times b$ factores alterius; altitudines nimirum et bases, patet superficies fore: ut $AB:ab$; quum hæc producta exprimant facta, sive superficies: ergo $S:s::AB:ab$, sive superficies ut factores (378).

421 Theor. 2. *Superficies, que factorem unum habent æqualem, sunt in ratione alterius factoris.* Dem. Sint S, s duæ superficies comparandæ; quorum factores sunt $A \times B, a \times b$; si $A=a$, differentia inter ipsas intercedens erit ea, quæ inter B et b reperitur: hoc est $S:s::B:b$. Contrà verò si $B=b$, erit $S:s::A:a$; hoc est, ut alter factorum, in quo inæqualitas reperitur; quemadmodum de figuris planis dictum est num. 378. Quare duæ superficies solidorum habentium æquales bases aut perimetros, erunt ut altitudines, seu latera: quod si hæc sint æqualia, erunt ut perimetri; denique si utraque inæqualia sint, erunt in ratione composita, sive ut producta $AB:ab$, scilicet altitudinum, et basium.

422 Theor. 3. *Solidorum superficies, quorum factores sunt invicem proportionales, erunt inter se, ut quadrata dimensionum homologa-*

rum. Dem. Superficies solidorum regularium reducuntur ad figuras planas rectangulas, quarum factores sunt bases, et altitudines: at figuræ similes, quarum scilicet latera homologa sint proportionalia, sunt in ratione duplicata laterum homologorum (379), ergo etiam superficies factorum proportionalium erunt, ut quadrata dimensionum homologarum.

423 Corol. Sphæræ omnes: cujuscumque magnitudinis, sunt solida similia: quemadmodum omnes circuli sunt figuræ planæ similes (380): ideòque earum superficies erunt in duplicata ratione diametrorum, et peripheriarum, aut radiorum; sivè ut quadrata harum dimensionum.

§. IV.

Soliditas corporum.

424 Defn. Ad definiendam soliditatem corporum, opus est aliqua mensura, in qua tres dimensiones reperiantur, quemadmodum ad superficies dimetiendas, mensura duplici dimensione constante opus est. Quapropter uti superficierum dimensio ad quadratum exigitur, ita etiam solidorum ad cubum reducitur. Opus igitur est, ad dimetiendum corpus triplici dimensione donatum, mensura etiam ad triplicem extensionem deducta; putà leucas, milliaria, decempedas, hexapedas, pedes, pollices, lineas, juxta uniuscujusque corporis dimetiendi indolem adhibendas. Mensura verò cubica ea dicitur, quæ sex lateribus quadratis datæ dimensionis constat. Sic pes cubicus est, cujus sex latera sunt pes quadratus; spatiumque ab

his superficiebus inclusum, est pes cubicus. Rursus si in pede cubico partes componentes considerentur, tot pollices cubici inveniuntur, quot continet pes quadratus in suum latus, seu radicem ductus, nimirum $12 \times 12 = 144 \times 12 = 1728$. Quod pariter ad lineas respectu pollicis applicandum est.

425 Theor. 1. *Soliditas prismatis æqualis est producto basis; seu superficies ejusdem, in altitudinem ductæ. Dem.* Juxta dicta de generis solidorum; prisma gignitur à motu perallemo basis per totam altitudinem; ducta ergo basi in altitudinem, habebitur soliditas prismatis. Sit ex. gr. basis = 10, altitudo = 100; erit soliditas tota prismatis = 1000: nempe si ponantur pedes, erunt 1000 pedes cubici soliditas prismatis; et hæc differentia inter mensuram superficierum, et soliditatum intervenit, quod productum in dimensionem superficierum enuntiat pedes quadratos, in solidorum verò mensura dat pedes cubicos.

426 Corol. 1. Soliditas cylindri est etiam productum basis in altitudinem; quum cylindrus tamquam prisma *infinitalaterum* consideretur. Hinc duo prismata, aut duo cylindri ejusdem basis, et altitudinis sunt perfectè æqualia.

427 Corol. 2. Cubi soliditas est productum lateris; seu altitudinis in superficiem basis (424). Parallelepipedum etiam soliditas invenitur, ducta altitudine in superficiem basis; concipi enim possunt hæc solida tamquam prismata quadrangularia, et revera talia sunt; quamvis ad par-

ticulares classes solidorum referantur, ob peculiare in ipsis proprietates, geometrica speculatione dignas.

428 Theor. 2. *Soliditas pyramidis æqualis est producto ex basi in tertiam partem altitudinis; seu tertiæ parti producti ex altitudine in basim.* Dem. Sit (fig. 32) pyramis altitudinis BP; quæ sit dimidium altitudinis cubi AB; et ejusdem basis CDEF cum eodem cubo: manifestum est ex cubo AB sex orifi pyramides ejusdem basis et altitudinis ac BP: erit igitur quælibet illarum sexta pars ejusdem cubi. At mensura soliditatis cubi est productum basis in latus sive altitudinem: ergo illarum pyramidum soliditas erit productum ex basi in sextam partem altitudinis AB; aut in tertiam partem altitudinis BP; seu erit tertia pars cubi ejusdem basis, et altitudinis ac ipsa. Quum verò eadem sit mensura soliditatis prismatis, et cubi; generalior regula statui potest, pyramidis soliditatem esse tertiam partem soliditatis prismatis ejusdem basis, et altitudinis: ut patet etiam ex sequenti.

429 Theor. 3. *Prisma triangulare potest dividi in tres pyramides perfectè æquales.* Dem. Secetur (fig. 26) prisma AB, plano triangulari ADF, et ACF; habebuntur duæ pyramides ADEF, et AFBC æqualis basis ADE, BCF; atque æqualis altitudinis AB, EF. Residuum erit alia pyramis ADFC; quæ quidem ita collocetur, ut pro basi habeat triangulum ADF communis sectionis cum altera ADFE, pro cuius basi etiam assumi potest idem triangulum ADF. Sic

inversæ pyramides habent easdem bases, ut est manifestum: enimverò altitudines etiam æquales sunt, quum omnia opposita latera sint æqualia in primate: sunt igitur tres pyramides inter se æquales; et simul sumptæ æquales toti prismati AB. Mechanica demonstratio hujus theorematis argilla aut cera ob oculos proponi potest.

430 Corol. 1. Omnia prismata quorumcumque laterum dividi possunt in tot prismata triangularia, quot fuerint anguli in prismate: et quum omnia prismata triangularia sint tripla pyramidis ejusdem basis; et altitudinis, evidenter eruitur, quodcumque prisma esse triplum pyramidis ejusdem ac ipsum basis, et altitudinis; aut quod in idem recidit, pyramidem esse tertiam partem prismatis ejusdem basis, et altitudinis. Pyramis etiam polygonæ dividi potest in tot pyramides triangulares, in quot triangula polygonum basis resolvi potest.

431 Corol. 2. Conus pyramis infinitorum laterum (405): undè erit etiam tertia pars prismatis infinitilateri, qualis est cylindrus, ejusdem ac ipse basis, et altitudinis.

432 Corol. 3. Sphæra considerari potest veluti coalescens ex infinitis pyramidulis, quarum communis vertex est centrum sphære, bases autem ejusdem superficies. Mensura vero soliditatis pyramidis est tertia pars producti altitudinis in basim: erit igitur soliditas sphære æqualis $\frac{2}{3}$ producti ex radio in superficiem, seu tertiæ parti radii ducti in superficiem, aut hujus tertiæ parti ductæ in radium. At sphære su-

perficiei quadrupla est superficiei circuli maximi ejusdem sphaerae (415): soliditas ergo sphaerae habebitur, ducendo tertiam partem radii in superficiei circuli maximi quater sumptam.

S. V.

Ratio solidorum.

433 Defn. Quum soliditas sit productum superficierum in altitudines, triplex mensura in soliditate investiganda considerari debet. Nimirum superficies est productum longitudinis in latitudinem; soliditas vero profunditatis in productum harum dimensionum. Unde in comparatione solidorum triplicis hujus mensurae habenda ratio est.

434 Theor. 1. *Cylindri, et prismata, recta, vel obliqua, ejusdem basis, diversae tamen altitudinis, sunt inter se ut altitudines.* Dem. Ejusmodi solida aequalis basis, et altitudinis sunt aequalia (426): ergo quum bases sint aequales, altitudines vero differant, illorum differentia ab his est desumenda.

435 Corol. Coni, et pyramides, quae basibus aequales sunt, si altitudine differant, illorum diversitas ab hac desumetur. Sunt enim tertia pars prismatis, aut cylindri ejusdem basis, et altitudinis (430, et seq.)

436 Theor. 2. *Prismata et cylindri (idem etiam dicendum de pyramidibus et conis) quorum altitudines tantum sunt aequales, erunt inter se ut bases.* Dem. Eadem est ac theorematis praecedentis. Quod si fuerint in ratione reciproca

basium, et altitudinem: nimirum basis unius, alterius altitudini aequalis, et contra, erunt aequalia. Et vice versa omnia prismata aequalia habent altitudines, et bases reciproce proportionales.

437 Theor. 3. *Solida similia sunt in ratione triplicata laterum homologorum, sive sunt ut cubi praedictorum laterum.* Dem. Solida similia ea dicuntur, quorum latera homologa, tres nimirum dimensiones, ex quibus coalescunt, sunt proportionalia. At soliditas est productum altitudinis, vel axis, in superficiei, quae ex duabus aliis dimensionibus est productum. Solida igitur sunt in ratione composita trium dimensionum homologarum; ac proinde in ratione triplicata cujuslibet: quemadmodum de superficieribus dictum est (379), esse in ratione duplicata laterum homologorum.

438 Corol. 1. Ut hactenus dicta in praecedentibus articulis generali formula comprehendamus, quae ad solida invicem comparanda extendatur, eorum soliditates dico S, s ; et A, B, C, a, b, c , eorum factores: erunt igitur $S: s :: ABC: abc$. Hinc 1.° Si $A = a$, $S: s :: BC: bc$; 2.° Si $A: a :: bc: BC$, $S = s$ (378 n. 3). 3.° In solidis similibus $S: s :: A^3: a^3 :: B^3: b^3 :: C^3: c^3$. Sit ex g. cubus $A = 27$, et cubus $a = 8$: quum sint in ratione triplicata dimensionum homologarum, et omnes dimensiones in cubo sint aequales, erit latus $A^3 = \sqrt[3]{A^3} = A$; et latus $a^3 = \sqrt[3]{a^3} = a$: et $A^3: a^3 = A \times A \times A: a \times a \times a$: quae ratio luculentissime est triplicata laterum homologorum A et a , sive 3

et 2; eruntque prædicti cubi in ratione triplicata 3: 2; nimirum $27: 8 = 3 \times 3 \times 3: 2 \times 2 \times 2$.

439 Corol. 2. Sphæræ sunt in ratione triplicata diametrorum, aut radiorum, peripheriarum, aut arcuum similium. Nam quum sphæræ sint in solida similia, earumque factores seu dimensiones sint diametri, aut radii, et peripheriæ (432), sive earum partes aliquotæ, erunt inter se ut cubi harum dimensionum. Sint duæ sphæræ S et s, quarum diametri, aut radii sint $D = 3$, et $d = 2$; erit $S : s :: D^3 : d^3$, sive $S : s :: 27 : 8$. Etenim soliditas sphæræ habetur, ducto radio in superficiem circuli maximi (432); adeoque quum superficies circuli sint in ratione duplicata radiorum (379), sphæræ erunt in triplicata eorundem.

440 Theor. 4. Sphæra æqualis est duobus tertiis partibus cylindri eidem circumscripti, seu cujus basis circulus maximus, altitudo verò sphæræ diameter sit. Dem. Esto (fig. 33) ACD quadrans circuli, qui quadrato ABDC includatur: ducta diagonali BC, et radio CG, concipiatur volvi circa immotum radium AC; planum est; integra circumvolutione descriptum iri quadrato ABDC cylindrum; radio CD hemisphærium AD, et diagonali BC conum ABC: omnia hæc solida habebunt pro basi circulum maximum sphæræ, pro altitudine ejusdem radium.

Jam ducatur mr æqualis, et parallela AB et CD, et perpendicularis lateribus AC, BD: erit $CA : AB :: Cm : mn$ (338); at $CA = AB$; ergo $Cm = mn$. En radios triplices sectionis: nam mr est

radius sectionis cylindri; mG sphæræ, et mn conii. Rursus in triangulo rectangulo CmG est $CG^2 = Cm^2 + mG^2$ (345): at $CG = CD = mr$: ergo $mr^2 = Cm^2 + mG^2$: sive substituendo pro Cm^2 , ejus æqualem mn^2 , erit $mr^2 = mn^2 + mG^2$; nimirum circulus, cujus radius $CG =$ summæ circulorum, quorum radii mn , et mG (370), seu secti cylindri æqualis est summæ sectionum hemisphærii, et conii. Hæc demonstratio iterari potest in aliis sectionibus infinite parvis, et proximis, ut ab , usque ad exhaustionem cylindri (350); ubique invenietur CG^2 seu $mr^2 =$ quadratis sectionum sphæræ et conii; adeoque totus cylindrus ABDC æqualis hemisphærio AD, et cono ABC simul sumptis. At conus est $\frac{1}{3}$ cylindri ejusdem basis et altitudinis (431): ergo reliquæ $\frac{2}{3}$ sunt dimensio hemisphærii AD. Demum si his omnibus corporibus altitudo AF dupliciter, evidens est proditura tria solida, nimirum cylindrus, cujus basium radius AB, et FH, axis AF, sphæra, cui diameter est eadem atque axis cilindri, radius $AC = AB$ generans circulum maximum æqualem basi cilindri; et denique conus, cujus basis radius sit eadem AB; altitudo verò, sive axis, diameter sphæræ, æqualis axi cilindri. Quæ quidem solida etiam erunt in proportione superius assignata; scilicet conus $\frac{1}{3}$, sphæra $\frac{2}{3}$ cylindri eidem circumscripti.